



Na osnovu člana 3. stav (1) i člana 140. stav (5) Zakona o službi u OS BiH („Službeni glasnik BiH“ broj:88/05, 53/07, 59/09, 74/10 i 42/12), a u skladu sa članovima 2., 20., 21., 22., 23., 24., 25., 26. i 27. Pravilnik o školovanju i usavršavanju u MO i OS BiH broj: 13-02-3-1632/10 od 01.04.2010.godine, a u cilju odabira kandidata za školovanje na Vojnim akademijama u inostranstvu, Ministarstvo odbrane Bosne i Hercegovine raspisuje,

## **JAVNI KONKURS**

**za školovanje kadeta, na Kraljevskoj vojnoj akademiji Sandhurst, Velika Britanija, za školsku 2016. godinu**

**I** – Ministarstvo odbrane Bosne i Hercegovine raspisuje javni konkurs za školovanje kadeta na Kraljevskoj vojnoj akademiji Sandhurst, Velika Britanija, za školsku 2016. godinu.

**II** - Školovanje traje od septembra do decembra 2015. godina, pripremna faza, a nakon toga jednu godinu na vojnoj akademiji, počevši od januara 2016. godine.

Odabrani kandidati imat će svojstvo kadeta, čija će prava i obaveze biti regulirane u skladu sa članom 73., 142. i 143. Zakona o službi u Oružanim snagama Bosne i Hercegovine ("Službeni glasnik BiH", broj: 88/05, 53/07, 59/09 74/10 i 42/12) i članom 29. Zakona o plaćama i naknadama u institucijama Bosne i Hercegovine ("Službeni glasnik BiH", broj: 50/08, 35/09, 75/09, 32/12 i 42/12).

Po završetku školovanja, kadet će biti primljen u vojnu službu u početnom činu oficira Oružanih snaga Bosne i Hercegovine, potporučnik (OF-1), odgovarajućeg roda-službe.

Međusobne obaveze kandidata izabranog za školovanje na Kraljevskoj vojnoj akademiji Sandhurst, Velika Britanija i Ministarstva odbrane Bosne i Hercegovine regulišu se ugovorom o školovanju.

Za vrijeme školovanja kadetima su osigurani smještaj i ishrana u internatu Vojne akademije

### **III – USLOVI KONKURSA**

- 1. Opšti uslovi** su propisani članom 9. Zakona o službi u Oružanim snagama BiH ("Službeni glasnik BiH br. 88/05, 53/07, 59/09 i 74/10") :
  - a)** da su državljani Bosne i Hercegovine,
  - b)** da su zdravstveno sposobni za službu u Oružanim snagama,
  - c)** da nisu osuđivani na bezuvjetnu kaznu zatvora u trajanju dužem od šest mjeseci,
  - d)** da nisu prethodno otpušteni iz državne službe ili pravnog lica zbog povrede službene dužnosti u posljednje tri godine,
  - e)** da im pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
  - f)** da se protiv njih ne vodi krivični postupak za krivično djelo za koje se goni po službenoj dužnosti,
  - g)** da imaju odgovarajuću stručnu spremu potrebnu za obavljanje određene dužnosti.
  - h)** da nisu mlađi od 18 godina ni stariji od 25 godina, na dan početka konkursa.

## **2. Posebni uslovi:**

- a) dokaz o stečenoj visokoj stručnoj spremi (orginal ili ovjerena fotokopija diplome),
- b) nivo poznavanja engleskog jezika (80 ALCEPT),

### **c) Zdravstveni uslovi:**

- na konkurs se ne mogu prijaviti kandidati koji boluju od astme, oboljenja pluća ili srca i sa povredama kičme ili udova,
- minimalna visina 155cm a težina 50kg i indeks tjelesne mase (MBI- težina podjeljena sa visinom na kvadrat) između 18 i 28 za muškarce i 18 i 27 za žene,

### **d) Fizička spremnost:**

- kandidati moraju imati dobru fizičku spremnost, te biti sposobni za nošenje tereta (opreme i ruksaka),
- fizičku spremnost provjeriti kroz sljedeće discipline: trčanje 800 m za 4 minuta i 50 sekundi, 2,4 km za 10 minuta i 30 sekundi (13 minuta za žene), 50 trbušnjaka za 2 minute, 44 skleka za 2 minute (21 sklek za žene), sposobni preplivati 100 m.

- e) dobro poznavanje rada na računaru (Word, Excel, Power Point, Internet).

**Napomena:** Kandidati prijavljeni na Javni konkurs proći će test fizičke spremnosti, test općeg znanja, test engleskog jezika i intervju. Sigurnosnu provjeru će izvršiti nadležni sektor Ministarstva odbrane BiH, a zdravstveni pregled kandidata, koji uspješno prođu testiranje, će obaviti nadležna ustanova u organizaciji MO BiH.

## **IV POTREBNI DOKUMENTI**

- prijavni formular i biografija, isključivo po obrascu ([www.mod.gov.ba](http://www.mod.gov.ba));
- original ili ovjerena fotokopija diplome završene studija;
- uvjerenje o državljanstvu na novom obrascu ili ne starije od 6 mjeseci;
- izvod iz matične knjige rođenih na novom obrascu ili ne starije od 6 mjeseci;
- uvjerenje o nevođenju krivičnog postupka ne starije od tri mjeseca;
- potvrdu ili uvjerenje institucije/pravnog lica da u posljednje tri godine nije otpušten zbog povrede službene dužnosti (za kandidate koji su bili ili su još uvijek zaposleni) ili ovjerena Izjava kandidata od nadležnog općinskog organa,
- prijava prebivališta CIPS-a ne starija od 6 mjeseci;
- dokaz o traženom nivou znanja rada na računaru

## **V ODABIR KANDIDATA**

Izbor kandidata će izvršiti komisija koju će formirati Ministrica odbrane Bosne i Hercegovine.

## **VI PRIJAVA NA JAVNI KONKURS**

Sva tražena dokumenta treba dostaviti putem poštanske službe preporučeno na adresu:

**Ministarstvo odbrane Bosne i Hercegovine**

**ul. Hamdije Kreševljakovića 98**

**71 000 Sarajevo**

**sa naznakom „Javni konkurs za školovanje kadeta u Velikoj Britaniji“**

Konkurs ostaje otvoren 15 dana od dana objavljivanja. Nepotpune, neblagovremene i neuredne prijave, prijave kandidata koji ne ispunjavaju uslove ovog konkursa, kao i kopije tražene dokumentacije koje nisu ovjerene, neće se uzeti u razmatranje.

**MINISTRICA**  
**Marina Pendeš**